

人物志

邑中人物自道咸後傑出者曾不多見惟府志云虜州負山臨海廢表十里為生賢才秦漢以來後先相望其間經明行修之士有勇知古之偏或奮志立功或抗節慕義即中帼女流舞陽耆老亦足以表幽貞而昭人瑞因本錄府志本善善從長之意其有里閭著望足示來茲者臚列編入以闡潛德焉志人物

鄉賢

漢

張重字仲篤合浦人才敏嗜學工詞說為嶺表望刺史推擇為日南郡從事舉計入洛明帝訝其短小問曰何郡小吏重抗聲應曰臣日南計吏陛下欲得其才耶抑將稱皮度肉耶帝善其對正旦大會帝問曰日南郡北向視日耶重對曰雲中金城不必皆有其實日南日亦出於東耳至於風氣暄暖日影仰當官民居止隨情面向東西南北迴背無定所謂日域在南者也帝益善之賜以金帛自此上計召對皆膺賞賚後位至通顯

按水經注引范泰古今善言曰日南張重舉計入洛考後漢日南郡今之越南國舊志以張重為合浦人必有所據姑仍其舊丁茂字仲虛合浦人少貧服勤事母曲盡歡心母終負上治墳列植松柏白鹿遊其下馴擾不去相傳以為孝感舉孝廉不就衰經終其身時蒼梧丁密世州先賢傳云字端公亦以孝行聞人謂嶺南丁氏多孝子云

尹牙字猛德合浦人為郡主簿太守南陽終寵到官三年不笑憂見顏色牙造膝請謁問明府四節悲歎有慘悴之思者何也寵曰父為張屠所害重仇未報是以長恨也牙乃傭僕自貶至洛為太尉養馬伺其間隙出入三年乃先醉左右近侍以夜解縱諸馬令之亂駭張果出問其故手刃張首而還太平御覽引廣州先賢傳及東廣記事聞天子奇其才赦不問廣通志

按通志牙報太守之私怨戕朝廷大臣乃刺客之流法所不容然東漢風尚往往有此今仍舊志載而不刪要不可以不辨志

00630

又按黃志云後漢書太尉有河南張延無被殺事今本御覽作張周豈佐所見本異耶 阮通志

姚文式台浦人雅好詩書博通古今安中舉茂才任交州治中時步騭爲刺史初到南海覽土地形勢歎曰斯誠海島膏腴之地宜爲都也乃詢尉佗舊治處人無知者獨文式對曰趙佗舊治當與番禺縣連接今入城戶南偏有水坑陵城倚其上聽人謂之番山聽名番禺所謂番山之禺也佗行南海尉事拒關設守番禺其所都後歸漢築朝臺在州城東北三十里則佗宮近是矣騭登望得其處因立城郭以建州治綏和百粵文式之功也

孫吳

李祖仁台浦人世爲郡望族兄弟十人同居郡北江上亭魏理家並皆慈孝使讓吳五鳳初交州刺史上其事詔賜爵三級復其家郡氏因名其江曰慈康 已上舊志

宋

李元芳台浦石康人崇甯間上書論廢西使民十事稱旨累遷朝奉大夫知高貴二州有治行

陳治安石康人淳熙間經略司募土豪與諸將討陸川叛寇治安慨然率莊客隸主將沙世堅麾下獨擒賊首以功補邕州左江提舉 舊志

明

劉孔仁台浦人洪武初以孝悌力田舉任河南穎上令廉勤愛民九載乞休年高德茂鄉里尊之 舊志

吳公悅台浦人洪武由歲時貢累官至湖廣按察使司居官二十餘載所至興利除弊勞績彰著居鄉長厚廉郡以明經顯者惟公悅稱最

周英字子傑台浦人永樂甲申進士知秦寧縣恤民禮士持政寬平去之日民遮道不忍別

韓珠字子瓊石康人永樂乙酉鄉薦辛卯登進士歷任山西右參政為政廉明比歸民留之不得立亭暨碑以寄六思
李昂合浦人永樂乙酉丙戌聯捷進士歷官戶部主事賦性剛力不避權貴凡出納度支必會計明不詳假手胥吏解組歸治家
嚴肅鄉人高其清白

沈福字應隆石康人永樂乙未進士擢江西道監察御史巡按陝西有布商被殺投屍塘中不可蹤跡一日福方視事見蛇盤旋
昂首若有所訴福曰蛇告我矣令人隨蛇所之得屍首驗係布商鞫出正兇置之法人以為神後巡按交趾聲名尤著

朱惠字守仁同知瓊之子永樂中由冠帶舉人登第任江西道監察御史進太僕寺丞居村中去石康十里解任歸未嘗至城市
時盜賊所在劫掠稱惠家人勾引竟罹重法幾無噍類鄉人寃之

包志道字希賢合浦舉人宣德初授交趾新安府經歷交趾陷調任田州以母喪去官正統初以知府朱勤薦陞廣西重川令所
至多善政卒於官

裴衷字秉彝石康人景泰甲戌進士授戶部主事歷福建左參議性剛介不附權勢解組歸惟圖書數卷人高其行端守潔

鄭誥合浦石潯人父賜止統戊午舉人任廣西蒼梧訓導兄蘊天順庚辰進士英(音旁)生而穎悟性篤孝天順中母謝氏為猛

賊所掠英(音旁)年十六挺身入賊壘給之曰吾欲乞吾母豈惜多金第吾年幼不知藏金處曷以吾代執母歸必來贖賊信為

實乃拘英(音旁)而釋其母然其家素貧實無從得金也英(音旁)既脫母言笑自若官軍至賊遂害之嘉靖十六年知府張岳

聞其事請於御史陳大用就英(音旁)所居梁村建祠祀之復建烈孝坊於永安所張岳為之記

明史參訂

林榮字仲仁號東巖合浦人成化戊戌進士官禮科給事中抗直敢言不避權貴時各省運糧入京中官每多侵暴榮疏革其弊
成化十七年使滿喇加(口旁)冊封與行人黃乾亨泛海溺死詔贈禮科都給事中賜祭廕一子祀鄉賢

包義民字醇夫合浦人成化甲辰進士任江南繁陽縣知縣愷悌得民三年以憂去補涇陽擢江西廣信府同知政尚廉平始終

一致雅不喜飾廚傳以悅上官在繁昌三載民錄其政績勒去思碑二子庶慶先後墓於鄉

湛鉞嚴州人任本衛指揮陞廣東都指揮僉事性英俊而能下人文武兼備宏治十四年夏六月儋州黎賊符蟒蛇謀殺峒首刻前傳約圖磨(人旁)州陷感恩昌化延及澄邁定安瓊州西界千餘里道路不通九日鉞領兵渡海及西峯驛聞賊攻臨高城將陷時賊眾兵寡眾有懼色鉞遽傳令駐軍命士卒攜二日糧詢知賊營所在由間道兼程馳奔藍遠賊後搆其老營斬首百餘級賊方攻城急聞老營已破遂還救而官軍已扼其歸路鉞曰賊在死地未可迎敵宜圍圍俟其半出而中擊之取威滅賊在此一舉乃率精銳衝之賊分爲二前後不相顧官軍從之斬首七百餘級城中鼓譟皆出賊大清軍匿草澤鄉民復擊殺之生擒賊首符那樹崎冉(虫旁)蛇方攻磨(人旁)州聞之遁去鉞以兵二千破賊萬眾瓊南倚之以安未幾以冒暑苦戰積勞致疾卒於官瓊州遠近弔哭失聲建祠臨高東門太平橋祀之

包廣合浦人宏治戊午舉人任江南青陽縣知縣廉介嚴明重農勸學循名遠大江南北

耿寬台浦人嘉靖癸卯舉人任江西大庾縣知縣端嚴寬大不假刑威中年解綬以清白傳子孫八謂有五柳遺風

鄧澄合浦人嘉靖己未以貢任福建福清縣訓導課士勤勤懇懇居家孝友尤不易及

鍾振宇玉甫台浦人嘉靖壬戌進士知滁州甫六月以艱歸服闋補廣德州再任嘉定州爲政如清丈田禁溺女祀元冥以禳災投虎頭以祛魃所行皆有效所至皆建祠祀之邑九龍灘水患頗劇振除之有歧麥並蓮靈鵲瑞竹之異擢守雲南府知府憫瀛俗日頹作誥誠以禮義廉恥爲規農桑勤儉爲務勸貴如黔甯持法毫不假借以靖亂(犬旁)回(犬旁)功後錫貶贈歸家手校郡來巡道張國經賴以徵獻焉舊志參訂祀鄉賢

孫應勛台浦人性穎悟有文學事父至孝每先意順志怡顏不懈以貢歷官府教授教士以敦行爲先歸家友愛其弟遺產相讓鄉閭推其德望

鄉閭推其德望

裴彬號應槐台浦人萬歷癸酉舉人任江西崇仁縣知縣致仕歸常甌底塵生略不介意惟陶然讀書清風亮節爲士林所推黃配中合肅生員家貧力學事父母曲盡孝道睦族黨內外無間言萬歷十五年舉優院道累獎賞

施教合浦人性純謹自束髮至白首未嘗與人爭競事母至孝母得目疾教竭誠祈禱常以舌舐鬢既而目復明人謂其孝感母年八十餘以壽終敦年六十哭泣盡哀及葬廬墓三年

李淨本合浦平睦鄉人萬歷壬寅父母雙亡葬五峯山隻身廬墓僧大拙憫其孤貧結茅爲庵與爲侶後人因於五峯山上建庵今碑記尚存

清

陳志時合浦庠生性仁厚好爲義舉順治間西賊寇廉湖兩峒民皆流離遷徙邑令徵賦稅不得諭志協同勸輸志曰民徙田荒安所得賦不如招撫散亡復其尸口世業而後可徵也令然之卽諭志前往招徠志攜子鍾隨偕行中途遇竄被害並擄其子以去不數年鍾隨竟得還以延宗祧至今蕃衍人以爲厚德之報

鍾昌齡號文年合浦人順治歲貢任會同訓導教士以敦崇實行爲先致仕旋里置祀田睦宗族修譜系輯郡志捐揚毛江等處田畝於斗杓樓以祀文昌義所當爲不遺餘力里黨稱之

吳昌衡合浦人康熙五十二年廣西五山寇沿鄉擄掠衡率鄉人追之至於古立坡殺賊十餘人擒獲甚衆餘賊逃遁知府施世驥給禦侮堪揚匾旌之並設營兵六十名協同防守全境悉賴以安

梁迪字道始合浦人康熙戊子順天鄉薦己丑聯捷進士授內閣中書辛卯任平陸令潔己愛民不事苛察致仕歸佐邑令鈕廷彩纂縣志修學宮置城南書院田畝當道咸重之

王超聲字又質合浦縣學生持躬端謹食貧力學居家不干外事惟事關學校則毅然身任弗辭合浦令鹿謙吉深器重之府縣學田多被侵佔超聲爲博稽往牒繪具弓口冀復原額臨終付其子藏之親自封識曰願我同人請之當道倘得返汶陽聲當感激於九泉之下其誠懇如此

李廷相號酣亭合浦恩貢任開建教諭其課士誘掖獎勸皆崇天理防人欲之會學故士受其薰陶者最多及解組歸梓尤樂行義舉先是廉郡諸生歲科兩試例就高涼試院考校道路險遠士殊苦之廷相爲率紳耆請於當道乃得建試院於郡城中士林至今賴焉他如置學田輯邑志諸公事莫不亟於贊成之著有酣亭詩文集五經文藝集四書章句歌存於家

張先達合浦恩貢學問深遠潛心經史貫通諸子百家尤精詩律設教郡城知名士多出其門同郡太史馮敏昌搜遺稿得異字迹珍如拱璧學使王安國深器之

李符清號載園合浦拔貢乾隆癸卯中式順天舉人充四庫館膳錄官報滿授東鹿縣知縣歷署清豐滿城天津縣事所至育人才愛民如子利興弊除嘗無留牘有古循良風丁難歸捐資倡修縣學宮率族人創宗祠營祀田不遺餘力服闋再任東鹿郊迎者歌父母重來尋擢直隸深州知州以卓異復擢知府未任卒於京著有海門詩鈔海門文集

李穎香號唐山合浦拔貢充四庫館膳錄官選授永安教諭尋調昌化性穎異博覽羣書尤肆力經史家徒壁立好學不倦著有古今體詩以丁內艱歸卒於家

譚允錄合浦歲貢任陽山訓導敦品篤學愛才如命陽山侍御鄭士超未遇時允錄深器之後果連擢巍材人謂其有相士之識致仕歸卒於家

譚超淵號崧堂合浦拔貢允錄子資性穎異博通經史分校郡志甚著勤能同郡太史馮敏昌出其門卒葬郡東敏昌銘其墓黃奇圖字醇夫合浦人篤信謹守勤於學問乾隆己酉領鄉薦屢赴禮闈不售居恆篤學不倦尤樂行義舉嘉慶甲戌知府何天

衛倡修學宮庚辰捐修文蔚橋皆其督理歷數載不憚勤勞何太守深器之

鍾大謀字克操號作菴台浦人郡庠少失怙恃誦厚自持為人重然諾尚義氣地方義舉皆盡心竭力爲之乾隆壬子重修府縣學宮創修五魁樓疏河渠工鉅費繁三載工始竣大謀經理終始不懈人以爲難

王天祥字瑞伯台浦邑庠生有知略老成練達見義勇爲乾隆壬子重修府縣學宮捐修五魁樓遠建縣署捐創興仁里石橋數載勤勞不避嫌怨鄉閭重之

王廷相號右槐台浦歲貢性嚴毅不苟言笑讀書以敦品立行爲先遊其門者多所成就嘉慶甲子館於白龍是秋洋匪擄掠縛廷相以去索贖金不屈赴海死士林惜之

蘇維新號榕亭台浦人性英敏博通典籍嘉慶戊午舉於鄉壬戌會試房考力薦不售丁卯復公車北上適丁內艱聞訃奔喪茹素百日哀毀骨立幾至滅性抵家數日而卒人咸惜之

王輔字君弼號肅菴台浦人端品尚義郡邑有善舉必極力成之結精室數椽藏書千餘卷讀書課子有王彥回之風子志文孫乃修相繼登拔萃科次子冠文以歲貢選訓導門第通顯人以爲輔之遺澤云

吳開統台浦例貢生性慷慨樂施勇於爲善兄居新運塘以食指日繁家漸落統割之迎於家更置田數百畝爲經久計交相友愛老而彌篤嘉慶間匪黨烏台小江不靖統出貲募鄉勇捕獲其衆府縣賜匾嘉獎二十二年知府何天衢上其事總督蔣攸銛賜一鄉善士匾旌其門

陳煥精合滙生員端品好義嘗建宗祠獨立營辦嘉慶七年廉郡增廣試院煥精勸捐廉湖兩峒以勸其成峒內文昌閣重隱寺皆倡捐重修廣置祀田鄉黨義之

魯宗武台浦人以廉營外委署靈山城守嘉慶五年匪徒林大懋偽造門牌煽惑地方宗武奉檄協同邑紳武生劉相武等設計

擒解正法十年冬海寇劫大觀港宗武復捕斬之爲人剛果有智略事母盡孝待弟友愛鄉里重之

陳堯化字世孚台浦人援例授職銜千總性醇厚事孀母以孝聞鄉有義舉尤樂贊成之廉湖緝安尖山兩石橋久圯堯化獨力修復人咸德之

葉爲逢（木旁）台浦人慷慨好義睦姻任卹鄰里窮無告者輒次（人旁）之死則賻以棺尤敬禮儒林多周其困乏遇遠方寒士行李往來登其門者皆厚賙之終身無間三子皆能讀書先後入泮裔孫數人有聲於庠序中人以爲厚德之報

李俊台浦人居某村居前有池一日有婦人道經此溺焉父元才往救之乃甦有里衣李相禮偵知之誣以故繫元才於家爲訛索計俊百計求贖弗獲請以身代禮不許才被虐旋斃俊訴守令久不得直日夕泣血髮長至尺許因懷利刃覓相禮竟殺之自首坐大辟人咸憫之

楊廷瓚台浦人性剛勇尚義嘉慶七年春海寇登岸圍瓚宅欲劫之瓚父子皆武健有力殺賊數十人賊懼負其尸以遁八年賊復至瓚奮力與鬪賊又奔潰十年賊會艘千餘竟劫其父子女媳去勒金爲贖子必華不屈罵賊死一家盡沒僅遺孫一人村衆爲斂金贖歸聞者哀之

王肇治王肇天台浦人剛勇尚義嘉慶七年海寇麥有金等劫掠村莊招村民入黨肇治肇天義不屈挺身拒賊於基陸連殺賊數人兄弟腹背受傷躍入田陷於淤泥死之

陳殿卿台浦人嘉慶八年海寇泊舟石頭埠行劫卿奮勇擊先手刃數賊賊伴北鄉追之伏起被害越數日賊復來民壯戚秀等與戰擒賊二人梟首殿卿墓前一時稱快

包益善台浦人嘉慶十一年海寇烏石二由沙尾劫掠居民邑人趙鈺集鄉人堵禦益善力闖手刃數賊旋被圍獨力難支死之知縣馬倚元旌以義勇可風匾額

陳日隆合濟人嘉慶十四年賊由蛋場滋半間村劫曹姓田秦擄男女五人日隆激於義憤率其弟日昇奪男女二人歸日昇力竭猶手刃賊至家嘔血而死知縣馬倚元給匾旌之

右採錄府志

邱志豫字中立合濟廩生順治十八年冬山寇設五營四鎮將攻郡閭城皆驚志豫請於郡守陽公願偕海北道校尉並蘇吳二明經吳茂才前往招撫賊酋甯武忠不從遇害於柳菜村咸同間大埔邱金門來慶稽宗譜詳其事作壯士行十六韻表之

李符清字德輿一字仲節號載園別號海門明正德間生中豆州倅游屢卜居城北北河累業書香家世顯達傳至符清由乾隆丁酉拔貢登癸卯賢書當時有四世選拔叔姪兄弟文武登科佳話歷官畿輔州縣洊升知府操行廉潔政聲卓著長於折獄乾嘉兩朝恩眷優異受古文義法於桐城汪龍岡著海門經義文鈔左氏節錄寶善堂雜錄棠陰筆記等書詩學李義山蘇東坡又肆力於太白少陵兼嗜韋左司作詩甚多刻本存其半爲翁覃溪馮魚山李虛谷洪稚存張船山所鑒定書法學顏魯公歐陽率更不以蘇長公米南宮諸家刻有右軍臨武侯遠涉帖趙松雪借秧帖吳匏菴手札及自書詩十餘種今皆軼惟摹顏魯公麻姑碑刻石尚存手創北京郡館題後坐樓曰見山樓隸書蒼勁光緒壬辰修葺館舍易樓門東向不復望見西山此額遂湮年五十八卒於天津旅邸著作五種詳藝文書目

彭元輔字槐廬大慶人清咸豐丁酉科舉人好讀書不修邊幅講學郡城人多遊其門馮萃亭軍門微時因事入獄公爲保釋後馮官至提督感其德勸爲官惟公性恬淡不樂仕進晚年掌教海門書院生平手不釋卷年至九十餘不能行而誦讀如故著有述古齋文集弟元龍元弼均有名於世世稱三彭

孫載祚字鼈峯江口人恩貢銓選教諭加太常寺博士銜議敘國子監典籍受詩學於大埔邱金門傳授族中時稱總江詩派羣從子姪多能詩輯爲羅江詩錄鳳梧岡太守集文士宴榕蔭亭載祚卽口占和四章咸服其敏載祚刊詩錄中卒年五十六著

盤蔘詩稿子賞先年功懋歲貢官定安教諭欽州德慶州學正能傳詩學喜駢文著梅花吟館詩草均刊行

陳世敏字功園城內人歲貢治經學專力於尚書事母孝子有過引至僻處扭責之不使母聞恐傷其意也館於富室門下多斐聲庠序子澹齋字禹川光緒丁酉拔貢肄業廣雅書院究心乙部之學甲辰駐廉新軍統領莊蘊寬倡設體操演說會濬業招諸生演習好新學者趨附克勸學所總董著雙月池館文稿

劉定康字吉士附城人歲貢官澄邁訓導澄海教諭加太常寺博士銜居官以雅道自振同治初建郡考棚總其成保准外獎晚年主講龍門書院值文風漸趨尋縉多用性理題課士導以清真卒年六十六著味菜根室文存刊行

李仰勳字覺樓附城人弱冠補諸生遊學五羊旋里以襄辦團事保訓導講學郡中從之游者多蜚聲庠序平居尚風節恥干謁官界中人時有來謁不得一見者士論高之光緒甲辰重游泮水卒年八十餘

王傳細字芸閣附城人光緒癸酉拔貢官兵部車駕司郎中假歸辦團以勞績奏獎四品銜主講欽江東坡東院合浦龍門書院凡重修文廟教習樂舞生創購海門公有書籍皆主持其事卒年六十七著航園遺稿刊行

李懷本字小崇附城人父起高提督以武功起家懷本年十六舉茂才以父官覃恩賞正二品蔭生廷試內用籤分都察院經歷隨父勦辦廣東西路防務敘功保同知既而廣西匪亂馮勇毅進勦委以勦辦營務敘匪亂起廉軍統領莊蘊寬委充本軍營務處欽廉道秦炳直委充欽廉軍營務處曾破王光馬篤積年股幫迭著保至台省補用道生平好提倡文教籌建味經書院春橋學舍晚清興學又籌建廉州中學堂合浦官立小學堂欽廉法政學堂為合浦勸學所總董欽州師習所監督法政學堂監督營學堂提調並奉檄充督辦兩廣軍務參議官農工商部委充廣州商會長三那之變勢將波及吾郡諸不逞乘機掠殺斃學人心惶惶懷本募勇守城乃得無事紳人德之卒年五十有平園遺著刊行

黃佐槐字午齋附城人光緒辛卯優貢辛丑補行庚子恩正併科舉人肄業廣雅書院官歸善教諭長樂廉甯新會訓導生平喜